

東華錄

雍正二十

臣王先謙編

臣周潤蕃恭校

雍正十年壬子春正月辛巳封順承親王錫保子熙良爲世子○

壬午命鄂爾泰爲保和殿大學士兼兵部尚書

山雲貴廣西總督邊

○癸未

甯遠大將軍岳鍾琪奏臣因入冬以來積雪甚深嚴飭卡倫之弁
兵止令登城瞭望不許分遣遠哨詎料駐防鏡兒泉副將馬順不
遵軍令陽奉陰違擅遣弁兵遠出巡哨致城北山內兵丁突遇賊
夷被傷二名衝失一名副將馬順隨遣遊擊楊玉守備張嵩先後
帶兵追趕賊夷遠遁其違令之副將馬順理合參奏得旨鏡兒泉
卡倫離軍營不及百里駐兵不少賊來卽致傷失兵丁一任遠遁
岳鍾琪是何防範且安設卡倫原爲巡探如雪霧黑夜尤宜加意

若止令登城瞭望不許分遣遠哨以爲恐有疏防是必將待賊臨城而後防矣是何重令岳鍾琪不知自咎僅以副將陽奉陰違爲詞朕實不解將岳鍾琪與該副將等交部嚴察議奏（乙酉禮部題 孝敬皇后冊諡禮成請照例遣官員諭朝鮮國王得旨上年十一月已訃告該國王今因冊諡禮成又遣官員前往恐外藩不無迎送供應之煩此次不必命使爾部照頒示各省之例一體行文朝鮮將朕此旨傳諭該國王知之○丁亥諭理藩院厄魯特郡王額駙阿寶之子公衮布在西路軍前甚屬效力著加恩封爲固山貝子○裁雲南賓川州賓居巡檢添設景東府猛統巡檢一○戊子諭內閣廣東總督郝玉麟病痊著仍回原任辦事○改江西撫標中軍遊擊缺爲參將武甯鉛山瑞州撫州廣昌鄱湖興國文英永鎮橫岡羊角永豐樟樹南康南湖等營及南戶視州城守營

守備俱爲都司僉書○改直隸張家口協標左右二營遊擊河間
通州大名石匣三屯山永等協中軍守備懷安城城赤城滴水
巖壞來城靖安堡長安嶺樂亭三河采育豐潤張灣薊坻廣平順
德杜勝忠順王家坪曹家路密雲城潘家口燕河路懷柔城新雄
易水白石口沿河口河屯等營守備及正定府龍岡營大名協右
營守備各缺俱爲都司僉書

二月己丑朔增屬東香山縣黃梁都巡檢一○庚寅諭內閣我朝
撫有方夏 列聖相承惟以愛養黎元爲本 聖祖仁皇帝臨御
六十餘年恩施累洽於九州蠲賑動逾乎千萬深仁厚澤浹淪
飢朕登大寶仰體 皇考仁愛之聖心勤恤閭閻疾苦之民隱宵
旰孜孜凡可以厚民生布膏澤者至周且渥歷年以來蠲免賑恤
疊沛積施海內亦既共知而共見矣惟是任土作貢者治世之常

經勸善懲惡者馭民之大法禹貢以三壤成賦周官以九式經邦
國家經費皆取給於正供聖人恤民之心無窮而取民有制亦不
能頻施逾格之恩以黜國用也至於遊民惰農王政所禁奸胥墨
吏國法不容使蠲租免賦而奸黠頑惰之屬皆得濫沐恩膏良善
急公者轉未能均霑惠澤又豈爲政之道哉朕以爲蠲除歷年之
逋賦而使頑戶偏蒙其澤不若減免新歲之額徵而使衆民普受
其惠數年來曉諭中外者屢矣是以清查帶徵錢糧如直隸河南
山東山西浙江等省民間完納者最多朕皆特沛殊恩於該省豐
稔之年將額徵正賦蠲免四十萬兩無非欲將帶徵完納之數仍
散於良善之氓使比戶均被恩施前未收之府庫此亦天下所共
知共見者江南蘇松等處財賦甲於天下而歷年積欠亦較他省
爲最多朕既豁免康熙五十年以前之未完者其五十年以後

應徵之項復寬限十年十五年帶徵以紓民力又思此等逋賦實在民欠者固多而官吏侵蝕者正復不少特遣大臣官員等會同撫藩及地方有司逐一徹底清查分晰官侵吏蝕民欠三項以除蒙混之弊又恐承命之員以徵內清釐致滋紛擾悉將帶徵各項停其輸納嚴諭各員實力奉行務使分晰清明毫無疑竇今據侍郎彭維新巡撫尹繼善等奏報清查告竣自康熙五十一年起至雍正四年通計各屬積欠共一千一百一十六千三百兩零其中侵蝕句攬者共四百七十二兩六千三百兩零實在民欠者五百三十九兩零俱覈對明白無有溷淆朕因江蘇逋賦積弊叢生籌畫多年而爲此清查之舉所以經國計清吏治實欲厚民生而除民累也苟有益於羣黎百姓朕卽樂沛浩湯之恩況朕敬承 皇考寬賦恤民之鴻慈於蘇松額徵浮糧豁免四十五萬積歲計之

其數何啻幾千百萬豈於區區之積逋有所靳惜哉但念官役之侵蝕奸徒之包攬蠹國害民固爲法所不宥而民欠累纍亦皆抗玩疲頑之習日積月累以至於斯也今欲槩行豁免不惟墨吏奸胥罔知懲戒且積久欠糧之頑戶無不霑恩被澤以爲得計而急公之善良不與焉洵非阜民善俗之道也則與其蠲除歷年之逋賦孰若免新歲之額徵爲大有益於斯民乎再四斟酌欲將侵蝕包攬之項分作十年帶徵實在民欠之項更加寬緩分作二十年帶徵嗣後從壬子年爲始本年帶徵之項完納若干朕卽照所完之數蠲免次年額徵之糧若干若官吏百姓等果知悔過急公於每年帶徵額數外多完若干朕卽將次年錢糧照多完之數豁免如此則朕之清釐積欠並無絲毫人官實皆沛爲萬民普被之澤而貪墨奸蠹之徒無所微倖抗玩疲頑之習知所戒惕庶幾吏

治肅清而民風醇厚共成比戶可封之俗矣著該督撫督率地方
官實心奉行其官吏侵蝕之項務於本人名下著追行得株連以
滋擾累其民欠之項俱按各戶花名完納毋得波及兄弟親戚致
令蠹役借端苛索儻有奉行不善生事擾民者該督撫卽行題參
嚴加議處至侵蝕錢糧之官吏皆應加重罪之人第歷年既久人
數繁多不忍槩行執法治罪著施恩法外寬爲分年帶徵若廢員
中有能悔過自新不拘年限先行完納者應分別准其開復以示
獎勵其依限完納者寬免其罪胥吏中有先期及依限完納者亦
酌量加恩寬免其罪○吏部議准廣西巡撫金鉉奏歸順土知州
岑佐祚緣事革職查無應襲之人請改土爲流設知州一吏目一
駐紮州城舊設州同移駐舊州地方把總移駐隴邦村其頻峒屯
隘上旬榮勞四邦各隘酌設百隊土兵以資防守從之○改廣東

撫標中軍遊擊爲參將○辛卯諭內閣我朝從前文武大臣持躬正直奉職公忠樹績建勳完名全節者朕已降旨於京師賢良祠永遠展祀以彰令範因思外任大臣鎮撫封疆宣猷布化忠勇效命威愛宜民其政績卓然可紀者若於身故之後建立賢良祠俾得永膺祀典旣足慰兵民懿好之公亦足爲後來居官者之勸如近日之將軍蔡良提督張雲總兵蘇大有魏肅國皆素有賢聲勤勞王事而歿於官者允宜在賢良之例著直省各於省會之地建立祠宇其與祀之人卽從近年爲始向後凡有應請入祠者該地方督撫於一人各具一本請旨不必彙奏○召沈廷正來京以王朝恩爲直隸河道總督由刑部左侍郎遷○壬辰以塔林爲吏部右侍郎由額外內閣學士遷○調孫嘉淦爲刑部右侍郎以陳樹萱爲工部左侍郎由大理寺少卿遷○辦理哈密事務員外郎永恒等奏正日三十二日準

噶爾賊突犯哈密貝子額敏擒獲賊人蒙克據供領兵賊人係色布騰策零那木扎爾等由烏魯木齊遣兵六千來攻哈密臣等晝夜守城相機剿賊報聞○癸巳戶部議准升任雲貴廣西總督鄂爾泰奏黔省遵義府屬之正安州見在州治地僻人稀並無城郭其土坪舊治地勢寬闊編氓亦衆請將正安州治移駐土坪又綏陽縣旺草里離縣窺遠接壤土坪請將旺草里改歸正安州轄從之○乙未以性桂署刑部尚書魏廷珍爲漕運總督由禮部尚書遷○丙申以直隸山東河南山西陝西五省少雪命督撫清理刑獄○轉衆佛保爲理藩院左侍郎實授納延泰理藩院右侍郎○丁酉甯遠大將軍岳鍾琪奏據辦理哈密事務員外郎永恒查斯海副將焦景斌貝子額敏呈稱正月二十二日準噶爾賊兵逼近哈密登城瞭望約三千餘人臣查哈密地方有副將焦景斌帶領官兵一

千五百名駐防又參將韓良弼帶領山西綠旗兵八百名駐紮城內足資固守但賊人既已侵徧哈密自應遣兵截殺臣遣總兵官曹勳等帶兵五千星夜由回落免大坂五堡地方截其後直至哈密應援總兵官張豹帶兵二千名由闕舍圖領赴哈密接應又據永恆等報稱二十三日城池左近賊兵甚少其大隊俱往南湖黃蘆岡向東北沿山一帶前赴塔爾那沁等語臣查塔爾那沁地方有提督顏清如帶兵四千名駐紮城內可以固守又令總兵曹勳等於黃蘆岡一帶相度地勢據其要隘相機掩殺臣更慮賊人或由毛垓圖圖爾庫爾等路竄入北山逃遁歸巢查北山正西及西北兩路有巴漢恩度爾插漢專津二處俱係賊人必由之路臣更派副將軍石雲倬帶領原任兵部尚書馬會伯率綠旗兵三千二百名前赴巴漢恩度爾一路埋伏著鎮安將軍卓克特帶領前鋒統

領宗室哈爾吉副都統僧保張正文等率驍勇官兵八旗滿兵共三千八百名前赴插漢粵津一路埋伏副將軍常策帶領都統良敦總兵官張存孝率滿漢兵三千二百名前赴無克克嶺地方截殺臣率軍營兵馬見在豫備接應報聞○戊戌大學士鄂爾泰奏古州丹江等處開闢苗疆一皆懷邊 聖訓宣布仁威將士用命非臣之能況數年以來疊受殊恩異數臣自問百無酬一伏乞皇上俯鑒愚忱准免議敘得旨衡奏情詞懇切具見誠惓惓忠勇懋著使苗梗向風不但綏靖苗疆之功績爲人所難能而仔肩重任之公誠亦大臣中所罕有國家酬庸賞功關係鉅典非卿可以已意遞讓亦非朕可以私心增減者仍遵前行○己亥兵部遵旨議奏升任雲貴廣西總督鄂爾泰貴州巡撫張廣泗辦理苗疆剿撫允協鄂爾泰應給與一等阿達哈哈番查鄂爾泰見係三

等阿思哈尼哈番應併爲一等精奇尼哈番張廣泗應給與拜他喇布勒哈番得旨大學士鄂爾泰節制雲貴廣西三省歷有歲年於所屬苗疆無不悉心經理便蠻夷等慕義嚮風咸登樂土至於古州等處生苗自昔未經王化鄂爾泰連籌調度剿撫兼施俾苗人懷德畏威抒誠內嚮疆圉開拓邊境輯甯數年以來之功績實非尋常平定苗疆翦除寇賊者可比鄂爾泰著授一等伯對世襲罔替用獎殊勳餘依議○甯遠大將軍岳鍾琪奏據駐紮塔爾那沁提督顏清如陸續報稱正月二十三日準噶爾賊人占據天生圈山口遣參將米彪帶兵六百名前赴三道大板防範馬廠驛卽督兵守城自辰至酉賊人始退西北山下二十四日米彪領兵行至白陽溝一帶與賊對敵賊人退敗隨遣副將陳經綸帶領官兵一千五百名出城禦敵賊人由西南原路而逃陳經綸領兵追獲

沿冷搜剿等語臣查賊人率衆長驅深入塔爾那沁一帶原圖擄掠牲畜今軍營所留馬匹羸頭俱在西山四道溝畢留大坂內收放官兵防護嚴密牲畜並無傷損報聞○庚子諭內閣國家典禮首重祭祀每當齋戒日期必檢束身心竭誠致敬不稍放逸始可以嚴昭事而格神明朕每遇齋戒之日至誠至敬不但殿廷供設銅人卽坐臥之次亦書齋戒牌存心儆惕須臾弗忘至內外大小官員雖設齋牌於官署但恐言動起居之際稍有褻慢卽非致齋嚴肅之義查明代祀典凡陪祀及執事之人有懸祀牌之例今酌定齋牌之式令陪祀人員佩著心胸之間使觸目儆心恪恭罔懈並得彼此觀瞻益加省惕其於明禋大典愈昭虔潔著傳諭各部院及八旗並直省文武官員一體遵行○甯遠大將軍岳鍾琪奏臣令總兵官曹勦統領副將紀成斌率兵應援哈密於正月二十

七日將至二堡地方正遇賊人大隊約有五千餘人卽奮勇進擊交戰一晝夜二十八日賊衆登山抵拒曹勦等復四面奮攻爭先力戰從卯至午賊衆大潰殺傷無數奪其馬匹牛羊並救出兵丁及漢回商民數百名所餘賊兵由沙磧敗遁西逃曹勦領兵接捕直抵二堡下營二十九日曹勦自二堡行至柳樹泉總兵官張豹協同哈密副將焦景茲塔爾那沁副將陳經綸等與曹勦合兵一處乘夜追剿臣思賊人腹背受敵縱有殘寇兎脫勢必逃至無克克領臣隨知會副將軍石雲倬常賚署鎮安將軍卓鼐等派遣滿漢兵丁六千名於無克克嶺南山口之梯子泉一帶截殺仍著總兵官曹勦將所領官兵在沙磧泉駐紮以張聲勢所有大捷緣由理合繕摺奏報得旨大將軍岳鍾琪奏報各路嚴派官兵進剿堵截及總兵曹勦等擊敗賊人之信調度有方運籌亦備官弁兵丁

奮勇效力擊敗賊衆朕心嘉慰惟是曹勦領兵一路正當賊鋒其
所帶兵丁稍覺單弱而勇健將弁亦覺尙少再賊人若由無克克
嶺逃遁則有常賚石雲倬等堵邀擊殺假若敗殘餘賊由沙磧而
遁必由齊克塔木經過吐魯番之官兵早能得信與回民併力邀
擊豈不更善又穆壘駐兵一事朕已降旨與岳鍾琪令其計議舉
行則吐魯番回民遷移之事可以綏商至穆壘築城若事在必行
以速爲善今賊夷受創而去乘機動工更覺順便並令岳鍾琪速
議奏聞○癸卯大學士等議覆直隸古北口提督路振揚等奏直
隸獨石口參將請改爲副將增都司一千總二把總三馬營堡把
總改爲千總再添勝千總一龍門路城都司改爲遊擊趙州堡把
總改爲守備張家口路屬柴溝堡增參將一把總一其應添兵丁
請於宣化鎮兵內抽出四百三十名再召募四百名以敷防守至

於山西沿邊各營路將領應行增添新平路助馬路俱增千總把
總各一將軍會堡增千總一馬市水口改原設外委把總爲千總
平魯路增把總三得勝路增把總二鎮宏堡鎮邊堡宏賜堡鎮羌
堡拒門堡保安堡鐵山堡威虎堡迎恩堡集尾城增把總各一其
應添兵丁俱於大同鎮殺虎協朔平城守營內抽撥足額無庸另
募所有直隸山西一帶邊牆但無庸修築其坍塌各口應用木柵
鹿柵堵塞從之○丙午大學士等議奏陳泰世受國恩身爲參贊
傅爾丹統兵進剿之時特授伊兵二千令在科布多河岸駐紮以
備賊兵乃陳泰一聞索倫逃兵訛言卽畏懦不前領兵回向扎布
韓後傅爾丹屢次催調陳泰惟事推諉又不卽赴科布多殊干法
紀應照律擬斬秋後處決行文軍營令將陳泰解送來京交刑部
監候得旨陳泰之罪斷無可赦著照擬處斬卽在軍營監禁至秋

審時擬爲情實具奏俟命下之日再行正法○丁未年關緣事革

調以王紘爲江西布政使孫詔爲安徽按察使

由浙江寧紹台道遷

○姜穎

新患病解任以竇啟璵爲直隸按察使

由光祿寺少卿遷

○戊申裁山西

吳城青城二驛驛丞各一○辛亥留遠大將軍岳鍾琪奏準噶爾

賊由五堡之南沿沙磧敗遁若尋有水草路必繞至無克克嶺一

路西竄臣前派副將軍常賚石雲倬所領之官兵六千餘名俱於

正月二十九日已齊至無克克嶺臣與副將軍常賚議官

兵一到無克克嶺略爲歇息即令石雲倬桃帶四五千名先赴梯

子泉一路截殺署鎮安將軍卓爾琿滿兵三千名接應其餘官兵

令常賚帶領守鐵無克克嶺山口三十日午後賊人適在山口二

十里屯住石雲倬等如即遣發官兵乘夜潛襲滅此自不待朝食

詎料初一初二等日查無捷音至初三日始據卓爾琿咨稱初一日